

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за економске реформе и развој



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za ekonomske reforme i razvoj
Zajedničko povjerenstvo za ekonomske reforme i razvoj

Broj: 03/3-50-14-9-10,1/17

Sarajevo, 1.2.2017.

ORIJENTACIONI RADNI PLAN
ZAJEDNIČKE KOMISIJE ZA EKONOMSKE REFORME I RAZVOJ
ZA 2017. GODINU

SARAJEVO, FEBRUAR 2017. GODINE

Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15) i člana 55. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), Zajednička komisija za ekonomske reforme i razvoj Parlamentarne skupštine Bosne i Hercegovine, na 10. sjednici, održanoj 1.2.2017. godine, utvrdila je

ORIJENTACIONI RADNI PLAN
Zajedničke komisije za ekonomske reforme i razvoj
za 2017. godinu

Predviđena aktivnost Zajedničke komisije za ekonomske reforme i razvoj (u daljnjem tekstu: Zajednička komisija) u 2017. godini zasniva se na realiziranju međunarodnih dokumenata kojima je vezana Parlamentarna skupština BiH, te specifičnim aktivnostima Zajedničke komisije koje proističu iz njene nadležnosti utvrđene članom 61. Poslovnika Predstavničkog doma i članom 51. Poslovnika Doma naroda Parlamentarne skupštine BiH.

Na osnovu člana 61. Poslovnika Predstavničkog doma i člana 51. Poslovnika Doma naroda Parlamentarne skupštine Bosne i Hercegovine, Zajednička komisija razmatra pitanja koja se odnose na:

- a) ekonomske reforme koje su u nadležnosti institucija BiH;
- b) prijedloge reformi ili inicijative koje Zajedničkoj komisiji dostavljaju predstavnici građanskog društva, odnosno udruženja privrednika, unije poslodavaca, sindikata, agencija za regionalni razvoj, udruženja građana ili drugih nevladinih interesnih grupa;
- c) monetarnu politiku;
- d) politiku vanjskog zaduživanja;
- e) odnose s međunarodnim finansijskim institucijama;
- f) politiku i program obnove i razvoja Bosne i Hercegovine;
- g) definiranje mjera ekonomske politike;
- h) fiskalnu i kreditnu politiku Bosne i Hercegovine;
- i) politiku bankarstva;
- j) statistiku, mjere i standarde.

Zajednička komisija razmatra i druga pitanja iz oblasti ekonomskih reformi, obnove i razvoja Bosne i Hercegovine.

Prema dosadašnjoj praksi, Zajednička komisija je sačinjavala orijentacioni radni plan iz svoje nadležnosti i razmatrala zakone i druge akte, nakon što je kolegiji oba doma odrede kao nadležnu za razmatranje.

Nakon utvrđivanja orijentacionog radnog plana Predstavničkog doma i Doma naroda, usvajanja na Proširenom kolegiju Predstavničkog doma i Kolegiju Doma naroda i njegovog dostavljanja komisijama domova, Zajednička komisija precizirat će decidnije svoje aktivnosti u Radnom planu.

Orijentacioni radni plan sadrži pregled najznačajnijih aktivnosti Zajedničke komisije s utvrđenim rokovima u periodu januar - decembar 2017. godine, prema sljedećem rasporedu:

JANUAR - MART

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- razmatranje Izvještaja o radu Vijeća ministara Bosne i Hercegovine za 2016. godinu;
- razmatranje Izvještaja o radu Zajedničke komisije za 2016. godinu;
- razmatranje Orijentacionog radnog plana Zajedničke komisije za 2017. godinu;
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Agencije za unapređenje stranih investicija u BiH (FIPA) i Agencije za statistiku BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija.

APRIL - JUNI

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Direkcije za ekonomsko planiranje Vijeća ministara BiH – prezentiranje materijala Direkcije: Informacija o kretanju makroekonomskih pokazatelja za period januar – decembar 2016. godine; Ekonomski trendovi u Bosni i Hercegovini januar – decembar 2016.; prezentacija aktivnosti, predstavljanje eventualnih problema s kojima se susreće i predlaganje mogućih rješenja uočenih problema i unapređenja rada Direkcije za ekonomsko planiranje Vijeća ministara BiH;
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Agencije za nadzor nad tržištem BiH i Konkurencijskog vijeća BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija;
- organiziranje sjednice Zajedničke komisije sa predstavnicima Ministarstva vanjske trgovine i ekonomskih odnosa i predstavnicima resornih entitetskih ministarstava na kojoj bi se provela rasprava o obavezama Bosne i Hercegovine prema Energetskoj zajednici (oblast električne energije, prirodnog gasa, energetske efikasnosti, obnovljivih izvora energije...) kao i o efektima primjene prilagođenog Sporazuma o stabilizaciji i pridruživanju između Bosne i Hercegovine i EU;
- organiziranje tematske sjednice Zajedničke komisije sa relevantnim institucijama svih nivoa vlasti u Bosni i Hercegovini o temi „Odnosi Bosne i Hercegovine sa međunarodnim finansijskim institucijama i politike vanjskog zaduživanja BiH“.

JULI - SEPTEMBAR

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Instituta za intelektualno vlasništvo BiH i Instituta za mjeriteljstvo BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija.
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Instituta za akreditiranje BiH i Instituta za standardizaciju BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija;
- organiziranje tematske sjednice Zajedničke komisije sa relevantnim institucijama svih nivoa vlasti u Bosni i Hercegovini o temi „Mjere ekonomske politike u funkciji obnove i razvoja Bosne i Hercegovine i pitanje donošenja sektorskih razvojnih strategija za Bosnu i Hercegovinu“.

OKTOBAR - DECEMBAR

- razmatranje zakona i drugih akata od ovlaštenih predlagača i dostavljanje izvještaja Predstavničkom domu i Domu naroda PSBiH;
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Direkcije za ekonomsko planiranje Vijeća ministara BiH – prezentiranje materijala Direkcije: Izvještaj o razvoju Bosne i Hercegovine za 2016. godinu; Informacija o perspektivama za BiH;
- uspostava prakse parlamentarnog nadzora nad institucijama iz nadležnosti Zajedničke komisije – organiziranje sjednice s predstavnicima Agencije za rad i zapošljavanje BiH i Agencije za osiguranje u BiH – prezentacija aktivnosti, predstavljanje eventualnih problema s kojima se susreću i predlaganje mogućih rješenja uočenih problema i unapređenja rada navedenih institucija.

Međuparlamentarna saradnja

U okviru međuparlamentarne saradnje Zajednička komisija planira posjetu entitetskim parlamentima (parlamentarnim komisijama), te u zavisnosti od mogućnosti, posjetu parlamentima, odnosno parlamentarnim komisijama zemalja okruženja.

Ostale aktivnosti

U osnovnom zakonodavnom postupku Zajednička komisija treba da ispoštuje poslovničke odredbe komisijske i plenarne faze. Prema utvrđenoj dinamici, Zajednička komisija razmatrat će predložene akte iz svog djelokruga i pravovremeno izvještavati predsjedavajuće i kolegije oba doma.

U zavisnosti od zaključaka usvojenih na sjednicama Predstavničkog doma i Doma naroda, Zajednička komisija će eventualno organizirati javne rasprave posvećene projektima donošenja pojedinih zakona.

Zajednička komisija će samostalno ili u saradnji s partnerskim organizacijama organizirati okrugle stolove o temama koje će biti razmatrane na sjednicama Zajedničke komisije.

U okviru svoje nadležnosti i u skladu s odredbama poslovnika, Zajednička komisija će uspostaviti odgovarajuće vidove saradnje, kao i održavati uspostavljenu saradnju s institucijama BiH. U zavisnosti od mogućnosti, Zajednička komisija će tokom 2017. godine saradivati sa sljedećim institucijama: Ministarstvom vanjske trgovine i ekonomskih odnosa BiH; Vanjskotrgovinskom komorom BiH, privrednim komorama FBiH i RS i Udruženjem poslodavaca BiH; Direkcijom za ekonomsko planiranje BiH; Direkcijom za evropske integracije BiH; Institutom za standardizaciju BiH (BAS); Institutom za intelektualno vlasništvo BiH; Institutom za akreditiranje BiH; Institutom za mjeriteljstvo BiH; Agencijom za osiguranje u BiH; Agencijom za rad i zapošljavanje BiH; Agencijom za statistiku BiH i zavodima za statistiku FBiH i RS; Agencijom za unapređenje stranih investicija BiH (FIPA); Konkurencijskim vijećem BiH; Centralnom bankom BiH; Ministarstvom finansija i trezora BiH; Odborom za budžet i finansije i Odborom za privredu Narodne skupštine Republike Srpske; Odborom za ekonomsku i finansijsku politiku Predstavničkog doma i Odborom za ekonomsku i razvojnu politiku, finansije i budžet Doma naroda Parlamenta Federacije BiH; Uredom Svjetske banke u Sarajevu; nevladinim organizacijama i sektorom civilnog društva koji se bave pitanjima ekonomskih reformi i razvoja, kao i borbom protiv siromaštva.

Plan rada Zajedničke komisije će biti fleksibilan i prilagođavan aktuelnim temama.

Predsjedavajući Zajedničke komisije

Dordo Krčmar